


叢書集成續編

第七三冊目錄

語文學類



訓詁

小爾雅義證十三卷補遺一卷	清	胡承珙撰	聚學軒	一
小爾雅疏八卷	清	王煦撰	邵武徐氏	八一
廣雅疏證補正一卷	清	王念孫撰	殷禮在斯	一五三
廣雅疏證拾遺二卷	清	王士禛撰	鶴壽堂	一八一
說雅二卷	清	朱駿聲撰	花雨樓	二四七
果贏轉語記一卷附校記一卷	清	程瑤田撰	安徽	三〇三
異語十九卷	清	洪汝闈校	玉簡齋	三一五
連文釋義一卷	清	錢坫撰	昭代	三三七
通俗文一卷敘錄一卷	漢	服虔撰	邃雅齋	三四九
何承天纂要文徵遺一卷	清	臧庸錄	鶴壽堂	三六五
金壺字考一卷	宋	釋適之撰	青照堂	三七五
釋名補證一卷	清	成蓉鏡著	南菁書院	三八七
字林經策萃華八卷	清	墨莊輯	益雅堂	三九五
吳氏遺著五卷附錄一卷	清	吳炎雲撰	廣雅	五八五

方言

續方言疏證二卷

清沈齡撰

木犀軒 六八九

wt 52/03

川

爾

雅

義

證

十

三

齋

小爾雅義證自序

小爾雅者爾雅之羽翼六藝之緒餘也漢書藝文志與爾雅並入孝經家揚子雲張稚讓劉彥和之倫皆以爾雅爲孔門所記以釋六藝之文者然則小爾雅猶是矣漢儒訓詁多本爾雅公傳詩鄭仲師馬季長注禮亦往往有與小爾雅合者特以不著書名後人疑其未經援及然如說文所引爾雅之遠則固明明在小爾雅矣其中如金舄之解公孫之偁請命之禮屬婦之名含符詩書深裨經誼沿及魏晉援據益彰李軌作解今雖不存而所注法言曼無邵美卽用雅訓是固足以名其學矣唐以後人取爲孔叢子第十一篇世遂以孔叢之僞

小爾雅義證自序

而并僞之而鄭氏之注水經李氏之注文選陸氏之音義孔賈之義疏小司馬之注史釋元應之譯經其所徵引核之今本粲然具存此可見孔叢本多刺取古籍而所取之小爾雅猶係完書未必多所竄亂也曩見東原戴氏橫施駁難僅有四科予既援引古義一一辨釋因復原本雅故區別條流又采輯經疏選注等所引通爲義證略存舊帙之仿佛間執後儒之管議將有涉乎此者庶其取焉時道光丁亥五月初日

小爾雅義證卷一

聚學軒叢書第四集

涇縣胡承珙撰

賁池劉世珩校刊

廣註

淵懿邃曠深也

淵者說文云淵回水也荀子曰水深則回古人訓同者字多通故禮記月令淵澤井泉注云今月令淵爲深是也懿者毛詩幽風七月女執懿筐傳云懿筐深筐也楚辭逢尤懿風后兮受瑞圖王逸注云懿深也釋名云懿優也言與優也與優亦深義大雅抑篇國語作懿毛傳抑訓密密亦深之義也文選洞簫賦注引曹大家列女傳注曰應深邃也應與懿聲義同邃

小爾雅義證卷一

者說文云邃深遠也水經注深水下引呂忱曰深水一名邃水考工記輿人參分車廣去一以爲隧鄭司農云隧謂車輿深也後鄭云隧讀如隧字之隧說文云隧深也玉篇云隧意思深也隧邃皆字異而義同曠者易繫辭聖人有以見天下之曠京房許慎皆作曠後漢范式碑張平子碑祝睦碑亦作曠定四年左傳曠有煩言賈逵曰曠至也孔疏云易曰聖人有以見天下之曠謂見其至深之處曠亦深之義也荀子正名篇曠然而不亂楊倞注曠與曠同曠深也文選盧子諒答魏子悌詩清義貫幽曠陸士衡演連珠是以天地之曠諺於六位李善注並引小爾雅曰曠

深也後漢書方術傳序皆所以探抽冥曠章懷注引小爾雅曰曠深也曠近本誤作頤今訂正

封巨莫莽艾祁大也

舊注封豕莫府祁寒皆言大也艾亦爲久

封者周頌烈文無封靡于爾邦商頌殷武封建厥福傳並云封大也文選七命盛封猗李善注引小爾雅曰封大也案封與豐通邨谷風采葑采菲釋文云葑亦作豐豐有大訓故封亦爲大矣巨者方言云巨大也齊宋之間曰巨說文云鉅大剛也周禮鐘師肆夏呂叔玉注肆夏繁遏渠渠大也鉅渠巨皆聲近而義同唐釋元應一切經音義卷三卷十卷二十五並引小爾雅曰巨大也莫者莊二十八年左傳狄之廣莫

小爾雅義證卷一

二

莊子逍遙游篇廣莫之野釋文引簡文注云莫大也淮南修務訓莫囂大心撫其御之手高誘注云莫大也史記李廣列傳莫府省文書索隱引小爾雅訓莫爲大方言云張小使大謂之模郭注模音莫亦此義也莽者呂氏春秋知接篇何以爲之莽莽也高誘注云莽莽長大貌淮南子原道訓是故不道之道莽乎大哉案莽與巨同訓大故王莽字巨君矣又案爾雅蟒王蛇郭璞曰蛇之最大者故曰王蓋蟒字从莽莽有大義故蟒爲大蛇矣一切經音義卷六引小爾雅莽大也艾者廣言云艾老也爾雅釋木大而鼓楸疏引樊光注大者老也後漢書蘇章傳三輔號爲大人

注云大人長老之稱艾既爲老亦得爲大義相成耳
祁者小雅吉日其祁孔有傳云祁大也

頌賦鋪敷布也

頌者說文云頌賦事也案頌與班通周禮大宰八曰
匪頌之式司農注頌讀爲班布之班爾雅釋詁班賦
也郭注謂布與廣雅釋詁云班布也張平子東京賦
云布教頌常賦者大雅烝民明命使賦傳云賦布也
鋪者大雅常武鋪敦淮濱疏謂布陳敦厚之陳敷者
禹貢禹敷土周禮大司樂疏引鄭注尙書云敷布也
案鋪敷布三字古皆通用襄十二年左傳引詩敷時
繹思作鋪時繹思常武鋪敦淮濱釋文引韓詩作敷

小爾雅義證卷一

敦淮濱後漢書馮緄傳亦作敷敦淮濱禹貢禹敷土
山海經海內經云禹緄是始布土商頌長發敷政優
優成二年昭二十年左傳俱引作布政優優儀禮聘
禮管人布幕於寢門外注云今文布爲敷一切經音
義卷二引小爾雅頌賦敷布也卷二十二引小爾雅
頌賦布也卷二十五引小爾雅頌敷布也文選西都
賦桑麻鋪蔡李善注引小爾雅鋪布也

蓋戴燕蒙冒覆也

蓋者釋名云蓋加也加物上也又曰蓋在上覆蓋人
也戴者釋名云戴戴也戴之於頭也孝經援神契曰
抱戴注云在上曰戴說文云分物得增益曰戴增益

者物加其上是戴與蓋義相同文選西都賦上反宇
以蓋戴李善注引小爾雅云蓋戴覆也後漢書班固
傳注引同蓋者說文云燕溥覆照也禮記中庸無不
覆幬注云幬或作燕幬亦覆也方言云燕覆也又云
燕戴也郭注此義之反覆兩通者蒙者說文云冡覆
也爾雅釋言釋文引小爾雅云蒙覆也冒者說文云
冒冡而前也考工記玉人天子執冒四寸注云名玉
曰冒者言德能覆蓋天下也

鍾崇府最積濯聚模叢也

舊注詩潛木
械模皆叢義

鍾者昭二十一年左傳器以鍾之二十八年傳天鍾
美於是杜注並云鍾聚也文選陸士衡君子行福鍾

小爾雅義證卷一

四

恆有兆李善注引小爾雅云鍾聚也據此似小爾雅
此條本以諸字並訓爲聚今本皆釋爲叢者雖二字
本通疑傳寫者以聚與叢互易致誤耳崇者隱六年
左傳芟夷蘊崇之僖二十四年傳棄德崇茲杜注並
云崇聚也太元聚首陽不禁禦物相崇聚府者昭十
二年左傳吾不爲怨府杜注云怨禍之聚廣韻引風
俗通云府聚也公卿牧守道德之所聚也最者公羊
隱元年傳會猶最也何休注云最之爲言聚若今聚
會爲最樂記會以聚聚注云聚或爲最史記股本
紀大最樂于沙邱徐廣曰最一作聚周本紀有周聚
徐廣曰聚一作最文選鵬鳥賦注引鵩冠子曰憂喜

聚門聚或作最最亦聚也周南葛覃釋文云叢俗作
藁一本作最顏氏家訓書證篇云江南詩古本皆爲
藁聚之藁而古叢字似取字近世儒生因改爲取解
云木之取高長者眾家爾雅及解詩無言此者案最
當從說文作取說文取積也最犯取也本爲二字後
人多混取爲最取字遂廢蓋取本有聚義故叢亦通
作取史記功臣侯者年表蓼侯孔繁索隱引家語作
最此最字亦當作取是也顏氏徒謂叢字似取遂改爲取斯
不然矣文選西征賦注引字林云叢聚貌叢與最同
灌者大雅皇矣其灌其桺傳云灌叢生也爾雅釋木
云灌木叢木又云木族生爲灌詩疏引孫炎云族叢

小爾雅義證卷一

五

閱搜屢庀具也

閱者說文云閱具數於門中徐鍇繫傳云春秋傳曰
大閱簡車馬也具數一一數之也一切經音義卷十
卷二十四並引小爾雅閱具也搜者說文云搜眾意
也引詩束矢其搜玉篇云搜閱也案搜與蒐通公羊

桓六年注比年簡徒謂之蒐三年簡車謂之閱五年
大簡車徒謂之大蒐搜又與度通禮記郊特牲注搜
除處也釋文搜本又作度周禮度人注云度之言數
與說文閱具數義同故搜亦爲具也履疑當作展周
禮充人展牲則告牲司農注云展省具也庀者周禮遂師庀
人展之以授使者注云展省具也庀者周禮遂師庀
其委積司農注云庀具也庀通作比周禮大胥比樂
官注云鄭大夫讀比爲庀庀具也錄具樂官廣雅云
訛具也訛與庀同

攻爲話相旬宰營匠治也

舊注話旬未詳餘皆常義

攻者周禮瘍醫以五毒攻之注云攻治也話疑當作

小爾雅義證卷一

六

詰周禮大司馬制軍詰禁注云詰猶窮治也襄二十
一年左傳子盍詰盜杜注詰治也相者昭九年左傳
大水妃也而楚所相也杜注相治也楚之先祝融爲
高辛氏火正主治火事也旬者廣雅釋詁云旬治也
周禮均人公旬注云旬均也讀如營營原隰之營易
坤爲均今書亦有作旬者爾雅釋訓畇畇田也釋文
引字林作均均塋治也均既爲治旬與均同故亦爲
治矣宰者僖九年公羊傳宰周公何休注云宰治也
春秋繁露云三代改制質文名相官曰宰故宰與相
同爲治也營者小雅黍苗召伯營之箋云營治也大
雅江漢來旬來宣箋云旬當爲營故營與旬同訓治

匠者說文云均匠也方言廣雅並云均治也
蠲祓禋屑潔也

蠲者小雅天保吉蠲爲饎傳云蠲聚也周禮宮人除
其不蠲注云蠲猶潔也蠲通作圭周禮蜡氏大祭祀
除不蠲注云蠲讀爲吉圭爲饎之圭圭潔也漢書陳
勝傳勝故涓人將軍呂臣注云涓潔也涓人主潔除
之人涓與蠲音義亦同祓者說文云祓除惡祭也史
記外戚世家武帝祓霸上集解引徐廣曰臨水祓除
謂之祓風俗通祀典曰禋者絜也仲春之時于水禋
除故事取于清絜也禋者說文云禋潔祀也國語楚
語云禋潔之服屑者邶風谷風不我屑以傳云屑潔
也

小爾雅義證卷一

七

勿蔑微曷末沒無也

勿者古字與無通禮記月令毋敢詐僞呂氏春秋作
勿敢僞詐孟子勿奪其時荀子注引作無失其時史
記張丞相傳集解引高堂隆答魏朝訪云物無也物
與勿同蔑者易剝蔑貞凶釋文引馬注云蔑無也案
蔑與無字本通論語亡之命矣夫漢書宣元六王傳
引作蔑之是也微者邶風式微云微君之故小雅代
木微我弗願傳並云微無也曷者廣雅釋詁云曷無
也法言重黎篇神怪茫茫聖人曷云又五百篇周之
人多行秦之人多病行有之也病曷之也李軌注云

多行由君存而有之多病由君視之如無也又寡見
篇云曷是爲也皆以曷爲無案曷與無字亦通方言
云曷蕞蕞蕞也陳楚之郊謂之蕞鄭注坊記云蕞蕞
蕞也陳宋之間謂之葑蕞之爲蕞猶曷之爲無矣又
案曷蔑亦一聲之轉一切經音義引聲類云蔑蕞也
今蜀土及關中皆謂竹篾爲蕞是其例也未沒者亦
與蔑曷一聲之轉晉書乞伏暮末宋書又作乞佛蔑
曷亦其例也

隆巢岸峻高也

隆者爾雅釋山宛中隆郭璞注云隆中央高荀子禮
論云高者禮之隆也巢者說文云鳥在木上曰巢爾

小爾雅義證卷一

八

雅釋樂大笙謂之巢太平御覽引舍人注云大笙音
聲眾而高也成十六年左傳楚子登巢車以望晉軍
說文作輶云兵車高如巢以望敵也又云輶澤中守
草樓也廣雅云巢高也輶輶巢並從巢義岸者說文
云岸水厓而高者大雅皇矣誕先登于岸傳云岸高
位也峻者說文作峻云峻高也文選江賦峻湍崔嵬
李善注引小爾雅曰峻高也

逼尼附切局鄰傳成近也

逼者爾雅釋言云逼迫也說文云迫近也尼者說文
云尼從後近之爾雅釋言卽尼也郭注云尼者近也
尸子曰悅尼而來遠附者廣雅釋詁云附近也說文

駢近也與附同切者易剝六四象曰剝牀以膚切近災也局者釋名云擲局也使相局近也又云曲局也柝近局也文選魏文帝與朝歌令吳質書塗路雖局守官有限李善注引小爾雅曰局近也一切經音義卷二十五引小爾雅局近也文選左太冲雜詩注引尸子曰八極爲局亦以局爲近傳者考工記廬人重欲傳人注云傳近也釋名云扶傳也傳近之也古人訓同者字多通襄十年遂滅偃陽穀梁作傳陽是其證也戚者周書文酌解取戚免桎大戒解惠戚戚服孔暉注並云戚近也又廣雅云戚近也戚與戚同邵嬭旨伐美也

小爾雅義證卷一

九

邵者法言重黎篇種蠡不彊諫而山棲賢者不足邵也李軌注云邵美也文選潘安仁河陽縣詩令名患不邵皇甫謐豪士賦序身逾逸而名逾邵陸士衡演連珠是以四族放而唐劭王簡棲頭陀寺碑身愈遠而名劭李善注並引小爾雅曰劭美也劭與邵同媚者廣雅釋詁云媚好也呂覽盡數篇甘水所多好與美人高誘注云美亦好也伐者功之美也莊二十八

年左傳且旌君伐杜注伐功也公羊僖九年傳矜之者何猶云莫若我也何休注云色自美大之貌矜與伐義略同是伐爲功之美亦爲自美其功也

賢衰繁優饒夥多也

賢者說文云賢多才也呂覽順民篇則賢於千里之地高誘注云賢猶多也又謹聽篇聽者自多而不得注云自多自賢也衰者爾雅釋詁云衰多也又云衰聚也聚亦眾多之義優者說文云優饒也小雅信南山既優既渥釋文云說文作優云澤多也案度尚碑持重灋於營平優亦作優饒者玉篇云饒多也禮記曲禮不饒富注云富之言備也備而已勿多于禮也夥者方言云凡物盛多齊宋之郊楚魏之際曰夥說文云齊謂多爲夥史記陳涉世家客曰夥頤涉之爲王沈沈者索隱引服虔云楚人謂多爲夥文選上林賦萬物眾夥李善注引小爾雅曰夥多也

小爾雅義證卷一

十

幾蔡模臬法也

舊注蔡取者龜義亦法也

幾者法言先知篇或問爲政有幾注云幾要也周禮宰夫掌官法以治要案幾與幾通大學邦畿千里釋文云畿本作幾周禮大司馬注云畿猶限也釋名法逼也逼正使有所限也又案詩傳云程法也一切經音義云程猶限也程謂之法亦謂之限猶幾謂之限亦謂之法矣蔡者禹貢二百里蔡釋文引馬注云蔡法也受王者刑法而已漢書地理志顏師古注正用馬訓模者說文云模法也廣雅羣刑也刑與法同一切經音義卷二十五引小爾雅模法也臬者說文云臬射準的也呂氏春秋君守篇注云準法也說文又

云墀射泉也廣雅云墀法也考工記匠人建國置泉以縣眠以景注云樂古文泉假借字於所平之地樹八尺之泉以縣正之眠之以其景將以正四方也爾雅釋宮云在地者謂之泉郭注云泉門廩也康誥曰汝陳時泉東晉孔傳訓泉爲法疏云泉爲準限之義故爲法也

爰換變質交更易也

爰者僖十五年左傳晉於是乎作爰田疏引服虔孔晁皆云爰易也賞眾以田易其疆畔漢書食貨志曰歲耕種者爲不易上田休一歲者爲一易中田休二歲者爲再易下田休三歲更耕之自爰其處案爰田

小爾雅義證卷一

土

國語作輟田注引賈逵云輟易也漢書地理志秦孝公用商君制輟田開阡陌注引孟康曰輟爰同三年爰土易居古制也說文作趙云趙田易居也換者說文云換易也案換與爰聲相近大雅皇矣無然畔援漢書作畔換敘傳云項氏畔換黜我巴漢注引孟康曰換易也不用義帝要換易與高祖漢中也質者說文云貿易財也文選吳季重在元城與魏太子箋古今一揆先後不質注引小爾雅曰貿易也又任彥昇爲卞彬謝修卞忠貞墓啟云年世質遷注引廣雅曰貿易也案廣雅作歟不作易此亦是引小爾雅文也交者禮記坊記交相爲瘡注云交猶更公羊宣十二

年傳云臣交易爲言一切經音義卷二十五引小爾雅質交易也更者儀禮大射儀更爵洗注云更易也燕禮易解洗注云凡爵不相襲者於尊者言更自敵以下言易更作新易有故之辭是更與易對文則別散文則通也

生造奏詣進也

生者說文云生進也盤庚汝萬民乃不主生疏引王肅注云生生進進造者周禮大司寇以兩造禁民訟儀禮士喪禮造于西階下注並云造至也至與進義略同奏者說文云奏進也徐鍇繫傳引史記曰藺相如前奏缶玉篇云湊競進也公羊昭三十一年傳云

小爾雅義證卷一

土

賊至湊公寢而弑之湊與奏同詣者說文云詣候至也繫傳云徑候而詣之也鄭注曲禮云古者謂候爲進

索寒探哀鉤掠探路取也

此條以索寒以下並訓爲取近本脫取字今訂正索者方言云索取也自關而西曰索寒者寒與撻同說文撻拔取也南楚語楚辭曰朝撻阨之木蘭今本楚辭作寒爾雅釋言云撻取也撻又作撻方言云撻取也南楚曰撻又曰楚謂之撻探者爾雅釋詁云探取也郭注探者摸取也說文云探遠取之也哀者商頌殷武哀荆之旅釋文云哀或作捋謙象傳君子以哀

多益算釋文引鄭荀董蜀才作攄虞翻注云攄取也說文云攄引取也引詩原隰攄矣今小雅常棣作原隰哀矣鈎者說文云鈎曲也徐鍇繫傳云古兵有鈎有鑲引來曰鈎推去曰鑲荀子彊國篇勦魏鈎吾右楊倞注云鈎謂如鈎取物也掠者說文云掠奪取也採經典皆作采說文云采攄取也略者方言云略求也就室曰搜於道曰略略強取也案略與掠音義同開徹接通達也

開者文選鄒陽獄中上書雖竭精神欲開忠信李善注引小爾雅曰開達也徹者昭二年左傳徹命於執事注云徹達也釋名云達徹也接者儀禮鄉射禮兼

小爾雅義證卷一

三

挾乘矢大射儀挾乘矢注並云古文挾作接孟子挾貴而問注云挾接也是接本與挾通大雅大明使不挾四方傳云挾達也接又與挾通荀子解蔽篇雖億萬已不足以挾萬物之變楊倞注云挾或當爲接爾雅釋言云挾徹也

罔歷彌宿舊尙久也

固者襄二十一年左傳固聞之太平御覽引服虔注云固久也久聞太子欲爲亂案固本與故通論語固天縱之將聖論衡知實篇作故天縱之將聖國語周語咨於故實史記魯世家作咨於固實一切經音義卷二十四引小爾雅固久也歷者爾雅釋詁云艾歷也

郭注長者多更歷小雅庭燎夜未艾傳云艾久也彌者說文作彌云彌久長也周書謚法解云彌久也墨子經篇云久彌異時也宿者廣雅釋言云宿留也爾雅釋詁云留久也莊子徐無鬼篇云枯槁之士宿名漢書韓安國傳云孝文寤于兵之不可宿注云宿久留也舊者字本與久通無逸舊勞于外舊爲小人史記魯世家舊皆作久說文舊鴟舊山海經海外南經湯山有鴟久大荒南經蒼梧之野有鴟久是也尙者呂覽古樂篇改樂之所由來者尙矣高誘注云尙久也

彌愈滋強益也

小爾雅義證卷一

古

彌者儀禮士冠禮三加彌尊注云彌猶益也文選魯靈光殿賦歷千載而彌堅李善注引小爾雅曰彌益也愈者小雅小明政事愈廢箋云愈猶益也說文無愈字當作逾一切經音義卷九兩引小爾雅此文一正作逾愈又通作俞國語吳語若越聞俞章韋昭注云俞益也滋者說文云滋益也強者算法以有餘爲強有餘者益之義一切經音義卷六卷九並引小爾雅愈滋強益也

赫煒爽曉所著讚曙明也

赫者衛風淇澳赫兮咺兮傳云赫有明德赫然燁者文選魯靈光殿賦赫煒煒而燭坤注云煒光明貌案

洪範曰驛古文尙書作團周禮疏引鄭注尙書云團色澤而光明也方言云暉明也團暉並與燁同一切經音義卷二十四引小爾雅赫燁明也燁近本作數今訂正曉者淮南俶眞訓冥冥之中獨見曉焉所者說文云昕旦明也日將出也一切經音義卷三引小爾雅昕明也讀音易說卦傳幽贊於神明而生蓍釋文云本或作讚韓康伯注云贊明也臯陶謨思日贊贊襄哉疏引鄭注贊明也言能贊明帝德案說文贊見也見有明義故訓爲明曙者說文云曙旦明也文選魏都賦謝靈運詩注並引說文作曙

階附襲就因也

小爾雅義證卷一

五

階者文選南都賦高祖階其塗曹植應詔詩遵彼河許黃坂是階王元長永明十一年策秀才文斯路何階人誰或可李善注並引小爾雅曰階因也又博奕論立身者不階其術注引廣雅曰階因也案今廣雅無此語疑亦是小爾雅也附者廣雅釋詁云附依也依與因同後漢書陳寵傳不良吏得生因緣注云因緣謂依附以生輕重也襲者禮記中庸下襲水土表記卜筮不相襲注並云襲因也就者管子心術篇就其能者尹知章注云就能而用故曰因也說文云因就也此互相訓

封畛際限疆略界也

封者周禮大司徒制其畿疆而封溝之注云封起土爲界也畛者說文云畛井田閒陌也文選陸士衡五等論云封畛之制有陸焉爾者李善注引小爾雅曰封畛界也略者莊二十一年左傳與之武公之略定四年傳封畛土略注並云略界也文選魏都賦故將語子以神州之略李善注引小爾雅曰略界也

承第班列次也

承者昭十三年左傳子產爭承注云承貢賦之次也國語晉語號射爲右以承公韋昭注云承次也第說文作弟云弟韋東之次第也禮記曲禮正義引小爾雅云第次也班者方言云班列也北燕曰班文選魏

小爾雅義證卷一

六

都賦班之以里閭景福殿賦侯衛之班文賦考辭就班李善注並引小爾雅曰班次也列者禮記禮運故事可列也注云列興作有次第國語周語夫翟無列于王室韋昭注云列位次也

戶倭格扃止也

舊注曰取其闔礙倭取其改皆止之義

戶者宣十二年左傳屈蕩尸之唐石經尸作戶注云戶止也倭者說文云倭止也昭九年傳云爲是倭而止格者漢書梁孝王傳太后議格集注引張晏云格止也案格字古通作假爾雅釋詁云假已也已與止同廣雅云闔止也闔格聲近而義同扃者昭七年左傳扃民無淫者也注云扃止也案扃本與戶通甘誓

有屈氏史記夏本紀正義屈作戶是也

幽暄暗昧冥也

幽者楚辭懷沙元文處幽今王逸注云幽冥也暄者爾雅釋天陰而風爲暄詩疏引孫炎云雲風暄日光釋名云暄翳也言掩翳日光使不明也一切經音義卷一卷十七並引小爾雅幽暄暗昧冥也又卷二十四引小爾雅暗昧冥也

最凡日質要也

最者書中候乃拜稽首受最注云最要言也漢書嚴助傳願奉三年計最注引晉灼曰最凡要也周禮小宰聽出入以要會司農注云要會計最之簿書凡者

小爾雅義證卷一

七

說文云凡最括也周禮司會注契其最凡也疏云最凡謂計要之多少以爲契要漢書霍去病傳最大將軍青凡七出擊匈奴注云最亦凡也周禮職金入其要注云要凡數也案凡近本誤作兀今訂正目者周禮簪人四曰簪目注云目謂事眾筮其要所當也周禮疏引鄭注論語請問其目云欲知其要管子君臣篇南面而受要尹知章注云要謂百吏之爲也案目近本誤作自今訂正質者文六年左傳趙盾爲國政由質要注云質要契券也

疆窮充竟也

疆者幽風七月萬壽無疆傳云疆竟也案疆與竟本

一聲之轉漢書賈誼傳守衛捍敵之臣誠死城郭封疆賈子新書作封境荀子可炊而僥也注云僥當爲僵是其例也充者方言云幅廣爲充儀禮士冠禮廣終幅注云終充也案終與竟同充幅猶言竟一幅也而乃爾若汝也

案汝本作女而乃爾若四字不獨訓汝字亦皆通作女莊子外物篇召而來釋文云而本作女洪範謀及乃心史記宋世家作謀及女心小雅桑柔告爾憂恤誨爾序爵墨子尚賢篇引詩爾皆作女甘誓汝不其命墨子明鬼篇引作若不其命蓋四字以聲轉而變其實猶一字耳

小爾雅義證卷一

六

控轡挽引也

控者說文云控引也詩曰控于大邦匈奴名引弓控弦文選魏都賦出控漳渠李善注引小爾雅曰控引也轡者說文云轡持弓關矢也淮南原道訓轡綦衛之箭高誘注云轡引也挽者爾雅釋訓釋文引聲類曰挽引也又云挽本作輓說文云輓引之也一切經音義卷十引小爾雅控轡挽引之也又卷二十二引小爾雅控引挽也卷二十三引小爾雅轡控挽引也此皆傳寫偶誤耳

承贊涼助佐也

承者哀十八年左傳請承注云承佐也呂氏春秋貴

信篇莊子左搏桓公右抽劍以自承高誘注云承佐也案承通作丞孝經注前疑後丞釋文云本亦作承呂氏春秋介立篇爲之丞輔注云丞佐也涼者大雅大明涼彼武王傳云涼佐也涼通作亮詩釋文引韓詩亮彼武王云亮相也相與佐同書畢命正義引釋詁亮佐也今爾雅無此文蓋卽用小爾雅而易涼爲亮以就正文爾

尋由以用也

尋者莊二十八年左傳今令尹不尋諸仇讐僖五年傳將尋師焉昭元年傳日尋干戈傳並云尋用也由者王風君子陽陽右招我由房傳云由用也昭八年

小爾雅義證卷一

九

左傳疏引爾雅山用也案今爾雅無此文當是小爾雅也以者說文云以用也案以字古通用呂刑報虐以威論衡譴告篇作報虐用威小雅桑柔逝不以濯墨子尚賢篇作鮮不用濯大雅板勿以爲笑荀子大略篇作勿用爲笑

要捷集載成也

要者周禮司會以月要考月成禮記王制司會以歲之成質於天子注云成計要也捷者周書諡法解捷克也春秋宣八年經日中而克葬注云克成也集者小雅黍苗我行既集箋云集猶成也載者國語周語奕世載德又天地之所載也章昭注並云載成也

肆赴捷疾也

肆者大雅大明肆伐大商皇矣是伐是肆傳並云肆疾也赴者說文云赴趨也釋名云疾行曰趨趨赴也赴所期也禮記少儀毋報往喪服小記報葬者報虞注並云報讀赴疾之赴疏云赴猶急疾也玉篇云趨疾也廣雅云趨行也一切經音義云孚疾也案趨孚與赴皆字異而音義同捷者楚辭離騷夫惟捷徑以窘步王逸注云捷疾也說文云捷疾也廣雅捷疾也並與捷同

造之如適也

造者莊子山木篇愛已而造哀也釋文引司馬彪注

小爾雅義證卷一

十

云造適也之者禮記人之其所親愛而辟焉注云之適也說文云適之也宋魯語如者春秋本義引陸希聲左傳通例曰自此適彼曰如

掇督撫拾也

掇者周南芣苢薄言掇之傳云掇拾也說文云掇拾取也爾雅啜茹也郭注啜拾食之也啜與掇音義同督者幽風九月叔苴傳叔拾也叔與督同爾雅釋言云筑拾也金勝盡起而築之釋文云築本亦作筑馬鄭皆訓築拾也釋文云築篤也篤又與督通昭二十二年左傳司馬督漢書古今人表作司馬篤是筑築篤督數字皆通叔督筑築皆訓拾此以聲爲意者也

撫者說文徐鍇本云撫安也一日撥也
肄子燼餘也

肄者方言云烈業餘也秦晉之間曰肄周南汝墳伐
其條肄傳云肄餘也斬而復生曰肄案肄近本誤作
肆今訂正子者方言云子餘也周鄭之間或曰子青
徐楚之間曰子大雅雲漢周餘黎民靡有子遺燼者
大雅桑柔具禍以燼箋云災餘曰燼成二年左傳請
收合餘燼注云燼火餘木也一切經音義卷十九卷
二十四並引小爾雅燼餘也方言燼餘也馬融長笛
賦云蓋滯抗絕燼與燼同
拓斥啟闢開也

小爾雅義證卷一

王

拓者揚雄甘泉賦云拓迹開統太元元瑩云天地開
闢宇宙拓坦玉篇云拓廣大也廣韻云拓開衣領說
文繫傳引字書云拓張衣令大也方言云張小使大
謂之廓張與開義相近拓廓拓皆聲近而義同斥者
漢書惠帝紀注引如淳云斥開也啟者儀禮既夕記
啟之听外內不哭注云古文啟爲開儀禮士昏禮贊
啟會注云今文啟爲開闢者易繫辭傳闢戶謂之乾
虞翻注云闢開也費誓序東郊不開釋文開馬本作
闢

杜實充切塞也

杜者一切經音義引國語賈注曰杜塞也說文云敷

閉也或作渡廣雅渡塞也大雅絲篇度之薨薨韓詩
云度填也敷渡度並與杜同文選西京賦述杜蹊塞
李善注引小爾雅曰杜塞也實者廣雅釋詁云實塞
也皇陶謨剛而塞史記夏本紀作剛而實充者邶風
旄邱箋云充耳塞耳也切者海內北經禹厥之三仞
三沮郭注云掘塞之而土三沮陷也史記殷本紀充
仞宮室淮南子本經訓德交歸焉而莫之充忍也仞
忍並與仞同

實物滿也

實者小雅節南山有實其猗傳云實滿也仞者大雅
靈臺於仞魚躍傳云物滿也史記司馬相如傳虛宮
館而勿仞注云仞亦仞也

小爾雅義證卷一

王

獎率勵勸也

獎者方言云自關而西秦晉之間相勸曰獎文選謝
靈運擬魏太子鄴中集詩客心非外獎江文通雜體
詩得失非外獎任彥昇天監三年策秀才文宏獎之
路諸葛武侯出師表當獎帥三軍注並引小爾雅曰
獎勸也率者周頌噫嘻率時農夫韓詩作帥時農夫
周禮喪祝注云勸猶倡帥前引者是率有勸義勸者
廣言云勸勉也禮記月令勉諸侯注云勉猶勸也一
切經音義卷二卷二十二並引小爾雅獎率勵勸也
勸勉事力也